



**ЎЗБЕКИСТОН RESPUBLIKASI ИЧКИ ИШЛАР ВАЗИРЛИГИ
ЎЗБЕКИСТОН RESPUBLIKASI БОШ ПРОКУРАТУРАСИ
ЎЗБЕКИСТОН RESPUBLIKASI ДАВЛАТ ХАВФСИЗЛИГИ ХИЗМАТИНИНГ
ҚАРОРИ**

**Енгил автотранспорт воситалари ойналарининг тусини ўзгартиришга
(қорайтиришга) рухсатнома бериш, уни рўйхатга олиш ва рухсатноманинг амал
қилишини бекор қилиш тартиби тўғрисидаги низомни тасдиқлаш ҳақида**

Ўзбекистон Республикаси Вазирлар Маҳкамасининг 2018 йил 18 июлдаги 547-сон
“Туси ўзгартирилган (қорайтирилган) ойнали енгил автотранспорт воситаларидан
фойдаланишни тартибга солиш чора-тадбирлари тўғрисида”ги қарорига мувофиқ
Ўзбекистон Республикаси Ички ишлар вазирлиги, Бош прокуратураси ва Давлат
хавфсизлик хизмати қарор қилади:

1. Енгил автотранспорт воситалари ойналарининг тусини ўзгартиришга
(қорайтиришга) рухсатнома бериш, уни рўйхатга олиш ва рухсатноманинг амал қилишини
бекор қилиш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга қиради.

Ички ишлар вазири

Тошкент ш.,
“24” август 2018 й.,
580-сон



П.Р. Бобожонов

Бош прокурор

Тошкент ш.,
“24” август 2018 й.,
50-КХ-сон



О.Б. Муродов

**Давлат хавфсизлик
хизмати раиси**

Тошкент ш.,
“24” август 2018 й.,
7-сон



И.Б. Абдуллаев

Ўзбекистон Республикаси Ички ишлар
вазирлиги, Бош прокуратураси ва Давлат
хавфсизлик хизматининг
2018 йил “24” август
58, 50-44, 7 -сон қарорига
ИЛОВА

**Енгил автотранспорт воситалари ойналарининг тусини ўзгартиришга
(қорайтиришга) рухсатнома бериш, уни рўйхатга олиш ва рухсатноманинг
амал қилишини бекор қилиш тартиби тўғрисидаги
НИЗОМ**

1-боб. Умумий қоидалар

1. Мазкур Низом Ўзбекистон Республикаси ички ишлар вазирлиги Давлат йўл ҳаракати хавфсизлиги хизматининг (бундан буён матнда ДЙХХХ деб юритилади) бўлинмалари томонидан енгил автотранспорт воситалари ойналарининг тусини ўзгартиришга (қорайтиришга) рухсатнома бериш, уни рўйхатга олиш ва рухсатноманинг амал қилишини бекор қилиш тартибини белгилайди.

2. Мазкур Низомда қуйидаги асосий тушунчалар қўлланилади:

енгил автотранспорт воситасининг эгаси – автотранспорт воситасига мулк ҳуқуқи ёки бошқа ашёвий ҳуқуқлар асосида эгалик қилувчи юридик ёки жисмоний шахс;

мурожаат этувчи шахс – енгил автотранспорт воситаси (М1 тоифа) ойналарининг тусини ўзгартиришга (қорайтиришга) рухсат беришни сўраб мурожаат қилган Ўзбекистон Республикасининг жисмоний ёки юридик шахси, чет эл фуқароси ёки Ўзбекистон Республикасида яшаш мақомига эга бўлган фуқаролиги бўлмаган шахс ёки чет эл фуқаросининг ички ишлар органларида доимий ёки вақтинчалик яшаш жойи қайд этилган миллий паспортига эга бўлган шахс, чет эл давлатларининг Ўзбекистон Республикасида фаолият кўрсатувчи ваколатхоналари ёки юридик шахслари;

рухсатнома – енгил автотранспорт воситалари ойналарининг тусини ўзгартиришга (қорайтиришга) ДЙХХХ бўлинмаси томонидан бериладиган ҳужжат.

2-боб. Рухсат беришнинг талаб ва шартлари

3. Рухсатномани бериш Қорақалпоғистон Республикаси ички ишлар вазирлиги, Тошкент шаҳар ички ишлар бош бошқармаси ва вилоятлар ички ишлар бошқармалари йўл ҳаракати хавфсизлиги бошқармаларининг рўйхатлаш ва имтиҳон олиш бўлинма (бўлим, бўлинма, пункт)лари (бундан буён матнда ДЙХХХнинг ҳудудий бўлинмалари деб юритилади) томонидан амалга оширилади.

ДЙХХХнинг ҳар бир ҳудудий бўлинмалари ўзининг хизмат кўрсатиш ҳудудида рўйхатга олинган енгил автотранспорт воситалари ойналарининг тусини ўзгартириш (қорайтириш)га рухсатномани беради.

4. Енгил автотранспорт воситалари ойналарининг тусини ўзгартириш (қорайтириш) ишлари Ўзбекистон Республикаси Ички ишлар вазирлиги ҳузуридаги “Инновацион лойиҳалар ва аҳолига сервис хизматлар кўрсатиш маркази” ДУК (бундан

буён матнда иш бажарувчи деб юритилади) томонидан рухсатнома ва тасдиқланган давлат стандартига мувофиқ амалга оширилади.

5. Енгил автотранспорт воситалари ойналари тусини берилган рухсатномага асосан:

орқа ойнасининг ёруғлик ўтказувчанлиги 5 фоиздан;

орқа ён ойналарининг ёруғлик ўтказувчанлиги 30 фоиздан кам бўлмаган даражагача ўзгартирилиши (қорайтирилиши) мумкин.

Ойналарни кўзгусимон тусда ўзгартиришга (қорайтиришга) рухсат этилмайди.

6. Енгил автотранспорт воситалари олд ойнасининг тепа қисми тусини эни 14 см дан кўп бўлмаган ва ёруғлик ўтказувчанлиги 30 фоиздан кам бўлмаган полоса шаклида ўзгартиришга (қорайтиришга) рухсатнома олиш талаб этилмайди.

Енгил автотранспорт воситалари олд ойнасининг тепа қисми тусини эни 14 см дан кўп бўлмаган ва ёруғлик ўтказувчанлиги 30 фоиздан кам бўлмаган полоса шаклида ўзгартириш (қорайтириш):

енгил автотранспорт воситасининг эгаси томонидан мустақил равишда;

иш бажарувчи томонидан (иш бажарувчи томонидан тасдиқланган нархлар асосида) амалга оширилиши мумкин.

3-боб. Енгил автотранспорт воситалари ойналарининг тусини ўзгартириш (қорайтириш) ва рухсатнома бериш ҳамда уларни ҳисобини юритиш тартиби

7. Рухсатнома мазкур Низомнинг 1-иловасидаги схемага мувофиқ берилади.

8. Енгил автотранспорт воситалари ойналарининг тусини ўзгартиришга (қорайтиришга) рухсатнома енгил автотранспорт воситаси эгасига унинг ДЙҲХХнинг ҳудудий бўлинмасига мазкур Низомнинг 2 ва 3-иловалардаги шаклга мувофиқ берилган аризасига асосан берилади.

Ариза мурожаат этувчи шахс томонидан ДЙҲХХнинг ҳудудий бўлинмаларига шахсан топширилади.

9. Аризага қуйидаги ҳужжатлар илова этилиши лозим:

а) енгил автотранспорт воситаси эгасининг шахсини тасдиқловчи ҳужжат нусхаси (жисмоний шахсларга – Ўзбекистон Республикаси фуқаросининг паспорти, ҳарбий хизматчилар учун – ҳарбий қисм ёки ҳарбий муассасалар қўмондонлиги томонидан бериладиган шахсни тасдиқловчи ҳужжат ёки ҳарбий билет (ҳарбий хизматга мажбур фуқароларнинг ҳарбий билетлари бундан мустасно), чет эл фуқаролари учун – Ўзбекистон Республикасида яшаш гувоҳномаси ёки ички ишлар органларининг доимий ёки вақтинчалик прописка жойи ҳақида белги қўйилган чет эл фуқаросининг миллий паспорти, фуқаролиги бўлмаган шахслар учун – фуқаролиги бўлмаган шахсларнинг шахсини тасдиқловчи Ўзбекистон Республикасида яшаш гувоҳномаси);

б) енгил автотранспорт воситасининг эгасига тегишлилигини тасдиқловчи (техник паспорт, техник талон) рўйхатдан ўтказилганлиги ҳақидаги гувоҳнома нусхаси;

в) юридик шахсларга тегишли бўлган енгил автотранспорт воситалари ойналарининг тусини ўзгартиришга (қорайтиришга) рухсатномани олишга ишончнома ва ишончнома берилган шахснинг шахсини тасдиқловчи ҳужжат;

г) тўлов амалга оширилганлиги ҳақида:

енгил автотранспорт воситалари ойналарининг тусини ўзгартиришга (қорайтиришга) рухсат бериш учун (Ўзбекистон Республикасининг жисмоний ва юридик шахслари, Ўзбекистон Республикасида фаолият юритаётган чет эл ваколатхоналари ва юридик шахслари);

иш бажарувчи томонидан тасдиқланган нархлар асосида аввал ўрнатилган ва механик шикастланиш натижасида яроқсиз ҳолга келган туси ўзгартирилган (қорайтирилган) ойнани ёки тусини ўзгартирувчи материални тиклашга иш бажарувчининг хизматлари учун банк тўлов ҳужжати.

Мурожаат этувчи шахсдан мазкур бандда назарда тутилмаган ҳужжатларни талаб этиш мумкин эмас.

10. Рухсатнома олиш учун зарур бўладиган маълумотлар, шунингдек ҳужжатлар намунаси Ўзбекистон Республикаси Ички ишлар вазирлиги томонидан ўзининг расмий веб-сайтига жойлаштирилади.

11. ДЙҲХХ ҳудудий бўлинмасининг аризани кўриб чиқиш ва рухсатномани бериш учун масъул бўлган ходими:

енгил автотранспорт воситасини ташқи кўздан кечиради;

мурожаат этувчи шахсдан мазкур Низомнинг 9-бандида кўрсатилган ҳужжатларни қабул қилади;

мазкур Низомнинг 4-иловасига мувофиқ (қоғоз ёки электрон шаклда) рухсатномаларни беришни махсус рўйхатга олиш китобида қайд этади;

мазкур Низомнинг 5-иловасига асосан рухсатномани расмийлаштиради, имзолайди ва ДЙҲХХ ҳудудий бўлинмасининг муҳрини босади.

12. Рухсатнома тегишли ҳудудий ДЙҲХХ бўлинмасига хизмат кўрсатувчи иш бажарувчининг филиалига ишларни амалга ошириш мақсадида бериш учун мурожаат этувчи шахсга махсус рўйхатга олиш китобига имзо қўйилган ҳолда берилади.

13. ДЙҲХХнинг тегишли ҳудудий бўлинмасига хизмат кўрсатувчи иш бажарувчининг филиали томонидан:

тасдиқланган давлат стандартига мувофиқ тақдим этилган енгил автотранспорт воситаси ойналарининг тусини ўзгартириш (қорайтириш) ишлари бажарилади;

мазкур Низомнинг 6-иловасига мувофиқ енгил автотранспорт воситаси ойналарининг тусини ўзгартириш (қорайтириш) бўйича бажарилган ишлар ҳисобини юритиш китобига ёзув киритилади. Бунда енгил автотранспорт воситаси ойналарининг тусини ўзгартирган (қорайтирган) филиалнинг иш бажарувчи ходими томонидан рухсатноманинг орқа томони тўлдирилади, имзоланади ва шахсий штампи босилади.

14. ДЙҲХХнинг ҳудудий бўлинмаси ходими енгил автотранспорт воситасининг ҳисобга олиш (электрон ва қоғоз шаклдаги) маълумотларига тегишли ўзгартиришлар киритади (берилган рухсатноманинг серияси, рақами, берилган жойи, вақти ва амал қилиш муддати).

15. Барча ишлар аризани қабул қилишдан бошлаб рухсатнома берилгунга қадар икки соат ичида амалга оширилиши шарт.

16. Қуйидагиларга асосан рухсатнома бериш рад этилиши мумкин:

мурожаат этувчи шахс томонидан мазкур Низомнинг 9-бандида кўрсатилган ҳужжатлар тўлиқ тақдим этилмаганда;

мурожаат этувчи шахс томонидан тақдим этилган ҳужжатларда ҳаққоний бўлмаган ёки нотўғри маълумотлар кўрсатилганда;

автотранспорт воситасининг ойналарида тусини ўзгартириш (қорайтириш) имконини бермайдиган механик шикастланишлар мавжуд бўлганда.

Рухсатномани беришнинг бошқа асосларга, шу жумладан, мақсадга мувофиқ эмаслигига кўра рад этилишига йўл қўйилмайди.

17. Рухсатнома бериш рад этилган тақдирда рухсатномаларни ҳисобга олиш китоби ва аризада рад этиш сабаблари кўрсатилган ҳолда ёзув киритилади, мурожаат этувчи шахснинг талабига асосан аризанинг нусхаси тақдим этилади.

4-боб. Рухсатномани қайта расмийлаштириш, амал қилиш муддатини узайтириш, дубликатини бериш

18. Рухсатнома фақатгина:

енгил автотранспорт воситасининг ҳисобга олиш маълумотларига ўзгартириш киритилганида (қайта жиҳозлаш, давлат рақам белгиси ва рўйхатга олиш гувоҳномаси ўзгартирилганда);

эгасининг маълумотларида ўзгариш бўлганида (жисмоний шахснинг фамилия, исми, шарифи ўзгарганида, юридик шахс қайта ташкил этилганда, унинг турар жойи (почта манзили) ёки номланиши ўзгартирилганда);

енгил автотранспорт воситалари ойналарини мазкур Низомнинг 5-бандида белгиланган туси ўзгартирилган (қорайтирилган) ойналарнинг ёруғлик ўтказувчанлик даражаси ўзгартирилганда қайта расмийлаштирилади.

Рухсатномани қайта расмийлаштириш унинг эгаси томонидан қайд этилган маълумотларни тасдиқловчи ҳужжатларни илова қилган ҳолда тақдим этилган аризаси асосида амалга оширилади.

Рухсатнома аввал берилган рухсатноманинг амал қилиш муддатигача қайта расмийлаштирилади.

19. Енгил автотранспорт воситасининг эгаси ўзгарганда янги эгасига аввалги рухсатноманинг қолган амал қилиш муддатига ДЙҲХХда қайта рўйхатдан ўтказиш вақтида қайта расмийлаштириб берилади.

Бундай ҳолда аввал берилган рухсатнома енгил автотранспорт воситаси қайта рўйхатга олинаётган жойдаги ДЙҲХХ бўлинмасига топширилиши шарт.

20. Рухсатноманинг амал қилиш муддатини узайтириш уни бериш учун назарда тутилган тартиб асосида амалга оширилади.

21. Рухсатнома йўқолган ёки яроқсиз ҳолатга келтирилган тақдирда унинг дубликати мурожаат этувчи шахснинг аризасига асосан берилади. Яроқсиз ҳолга келтирилган рухсатноманинг асли аризага илова қилинади.

Рухсатнома дубликатини бериш ва қайта расмийлаштириш учун энг кам ойлик иш ҳақининг иккидан бир қисми миқдорида тўлов ундирилади.

ДЙҲХХнинг ҳудудий бўлинмаси рухсатнома дубликатини ҳужжатлар қабул қилинганидан сўнг икки соат ичида бериши шарт.

Дубликат берилганда аввал берилган рухсатнома бекор қилинади, йўқотилган рухсатнома дубликат берилганидан сўнг топилганда у ҳақиқий эмас деб ҳисобланади ва ҳудудий ДЙҲХХга белгиланган тартибда йўқ қилиш учун топширилиши лозим.

5-боб. Якуний қондалар

22. Рухсатнома 1 йил муддатга берилади, эгаси уни амал қилиш муддати тугашидан олдин фойдаланишдан воз кечган тақдирда, тўловнинг қолган қисми қайтарилмайди.

Рухсатнома асосида ойналари туси ўзгартирилган (қорайтирилган) енгил автотранспорт воситаларидан мазкур автотранспорт воситасини бошқариш ҳуқуқи бўлган шахслар фойдаланиши мумкин.

23. Рухсатнома бланкаси қатъий ҳисобда турувчи ҳужжат ҳисобланади, уни тайёрлаш, сақлаш, сарфлаш ва унинг ҳисобини юритиш ДЙҲХХ органлари томонидан белгиланган тартибда амалга оширилади.

24. Иш бажарувчи енгил автотранспорт воситалари ойналарининг тусини ўзгартириш (қорайтириш) ишларини бажарганидан сўнг мазкур Низомнинг 7-иловасига мувофиқ мурожаатда кўрсатилган енгил автотранспорт воситаси ойналарининг тусини ўзгартириш (қорайтириш) ишлари бажарилганлиги тўғрисида далолатнома расмийлаштиради.

25. Ойналари туси ўзгартирилган (қорайтирилган) енгил автотранспорт воситаларидан рухсатнома олмасдан фойдаланиш, шунингдек енгил автотранспорт воситасининг ойналарини тусини ўзгартириш (қорайтириш) учун рухсатнома олган ҳолда ойналарнинг ёруғлик ўтказувчанлигини мазкур Низомнинг 5-бандида кўрсатилганидан юқори фоизга ўзбошимчалик билан ўзгартириш қонунчиликда белгиланган тартибда жавобгарликка сабаб бўлади.

Енгил автотранспорт воситалари ойналарининг тусини ўзгартиришга (қорайтиришга) рухсатнома бериш, уни рўйхатга олиш ва рухсатноманинг амал қилишини бекор қилиш тартиби
тўғрисидаги Низомга
1-ИЛОВА

**Енгил автотранспорт воситаси ойналарининг тусини ўзгартириш (қорайтириш)га рухсатнома бериш
СХЕМАСИ**

Субъектлар	Тадбирлар	Муддати
Мурожаат этувчи шахс	Ойналарининг туси ўзгартириладиган (қорайтириладиган) енгил автотранспорт воситасини ва зарур бўлган ҳужжатларни ДЙҲХХнинг ҳудудий бўлинмасига такдим қилиш	Мурожаат этувчи шахснинг хоҳишига асосан
ДЙҲХХнинг ҳудудий бўлинмаси ходими	1. Енгил автотранспорт воситасини кўздан кечиради. 2. Мурожаат этувчи шахсдан зарур бўлган ҳужжатларни қабул қилиб олади, уларни текширади ва рухсатномани ҳисобга олиш китобида қайд этади. 3. Енгил автотранспорт воситалари ойналарининг тусини ўзгартиришга (қорайтиришга) рухсатномани расмийлаштиради.	Дарҳол Умумий навбат асосида
Ўзбекистон Республикаси ИИБ ҳузуридаги “Инновация лойиҳалари ва аҳолига сервис хизматлари кўрсатиш маркази” ДУКнинг ҳудудий бўлинмаларининг ишчиси	1. Такдим қилинган енгил автотранспорт воситаси ойналарининг тусини ўзгартириш (қорайтириш) ишларини амалга оширади. 2. Енгил автотранспорт воситаси ойналарининг тусини ўзгартириш (қорайтириш) бўйича бажарилган ишларини ҳисобини юритиш китобига киритади. 3. Рухсатноманинг орқа томонини тўлдиради, имзолайди ва шахсий штамп билан тасдиқлайди.	Умумий навбат асосида Ўзгартириш яқунлагач дарҳол

Енгил автотранспорт воситалари ойналарининг
тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг
амал қилишини бекор қилиш тартиби
тўғрисидаги Низомга
2-ИЛОВА

(ҚР ИИБ, Тошкент ш. ИИББ, вилоятлар ИИБ)

(РЎВАИОБ) бошлиғига

**Юридик шахсларга (Ўзбекистон Республикасида фаолият кўрсатаётган хорижий
давлатлар юридик шахсларига) тегишли енгил автотранспорт воситаси
ойналарининг тусини ўзгартириш (қорайтириш)га рухсатнома бериш юзасидан
АРИЗА**

енгил
(енгил автотранспорт воситасининг русуми, тури ва рўйхатдан ўтказиш давлат рақами белгиси)
автотраснпорт воситаси ойналарининг тусини ўзгартириш (қорайтириш)га рухсатнома
беришингиз ва ўзгартириш ишларини амалга оширишингизни сўрайман.

Аризага илова этилаётган ҳужжатлар рўйхати:

(Енгил автотранспорт воситалари ойналарининг тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг амал қилишини бекор қилиш тўғрисидаги Низомнинг
9-бандига мувофиқ тўлдирилади)

Раҳбар

(имзо)

(Ф.И.О.)

Изоҳ. Юридик шахс номи, жойлашган жойи (почта манзили) ва ташкилий-ҳуқуқий шакли
кўрсатилган ҳолда фирма бланкасида тўлдирилади.

Енгил автотранспорт воситалари ойналарининг
тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг
амал қилишини бекор қилиш тартиби
тўғрисидаги Низомга
3-ИЛОВА

_____ ЙҲХБ
(ҚР ИИБ, Тошкент ш. ИИББ, вилоятлар ИИБ)
_____ бошлиғига
(РЎваИОБ)

_____ дан
(мурожаат этувчи шахснинг фамилияси,
исми, отасининг исми)

_____ (почта манзили)

_____ (телефон рақами)

**Жисмоний шахсларга тегишли енгил автотранспорт воситаси ойналарининг тусини
ўзгартириш (қорайтириш)га рухсатнома бериш юзасидан
АРИЗА**

_____ енгил
(енгил автотранспорт воситасининг русуми, тури ва рўйхатдан ўтказиш давлат рақами белгиси)
автотраснпорт воситаси ойналарининг тусини ўзгартириш (қорайтириш)га рухсатнома
беришингиз ва ўзгартириш ишларини амалга оширишингизни сўрайман.

Аризага илова этилаётган ҳужжатлар рўйхати:

_____ (Енгил автотранспорт воситалари ойналарининг тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг амал қилишини бекор қилиш тўғрисидаги Низомнинг
9-бандига мувофиқ тўлдирилади)

_____ (мурожаат этувчи шахс имзоси)

_____ (Ф.И.О.)

20 ____ йил « ____ » _____

Изоҳ. Жисмоний шахс томонидан унинг фамилияси, исми, отасининг исми, шахсини
тасдиқловчи ҳужжат маълумотлари кўрсатилган ҳолда тўлдирилади.

Енгил автотранспорт воситалари ойналарининг
тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг
амал қилишини бекор қилиш тартиби
тўғрисидаги Низомга
5-ИЛОВА

**Енгил автотранспорт воситаси ойналарининг тусини
ўзгартиришга (қорайтиришга) рухсатноманинг
намунаси**

(олд томони)

**Енгил автотранспорт воситаси ойналарининг тусини
ўзгартиришга (қорайтиришга)
РУХСАТНОМА**

Серияси _____ № _____

1. _____ турдаги _____ русумли, _____
рўйхатдан ўтказиш давлат рақами белгилли, _____ рангли автотранспорт
воситасига берилган.

2. Эгаси _____
(юридик шахснинг номи ва таъкилий-ҳуқуқий шакли, жисмоний шахснинг Ф.,И.,О. ва шахсини
тасдиқловчи ҳужжатни маълумотлари)

3. Рухсатнома берилган: _____
(ДЙХХнинг ҳудудий бўлини маси номи)

4. Рухсатномани берди: _____ (имзоси) _____ (Ф.И.О.)
(ДЙХХ ходими лавозими)
М.Ў.

5. Рухсатнома берилган сана 20 ____ йил « ____ » _____

6. Рухсатноманинг амал қилиш муддати (санаси): 20 ____ й. « ____ » _____ гача.

(Орқа томони)

7. Енгил автотранспорт воситаси ойналарининг ёруғлик ўтказувчанлиги
кўрсаткичлари:

Орка _____ %;

орка ён (ўнг томон) _____ %;

орка ён (чап томони) _____ %.

8. Ўзгартириш (қорайтириш) амалга оширилган:

(Ўзбекистон Республикаси ИИВ ҳузуридаги ДУКнинг ҳудудий филиали томонидан)

(Лавозими)

(имзоси)

(Ф.И.О.)

Ш.Ў.

20 ____ й. « ____ » _____

Енгил автотранспорт воситаси ойналарининг тусини
ўзгартиришга (қорайтиришга) рухсатнома намунасининг
ТАВСИФИ

Енгил автотранспорт воситаси ойналарининг тусини ўзгартиришга (қорайтиришга) рухсатнома тўртбурчак шаклдаги, ўлчамлари 80 х 130 мм. бўлган, зичлиги бир квадрат метрга 140+/-5 граммли 100% пахтадан олинган қоғоздан тайёрланади. Қоғоз қатлами орасига жойлашган, ультарбинафша нурда кўринадиган кўк ва оч яшил рангли тола ҳамда нурда яхши ажралиб турадиган «пахта чаноғи» кўринишидаги умумий «сув белги»си мавжуд.

Офсетли ёзув, серияси икки ҳарфли, номери олтита рақамли.

Бланка куйидаги махсус ҳимояларга эга:

кимёвий таъсирга бардошли полиграф бўёқдан фойдаланилган, юза қисмидаги катакларда нусха олишга ва сканер қилишга қарши ингичка чизиклар мавжуд. Бир рангдан бошқа рангга расм чизиклари бузилмасдан охишта жиловланиши таъминланган. Жуда катталаштирилганда микроматн кўринади, ультрабинафша нурда кўринмайдиган тасвирлар ва олтирақамли сон кўринади. Махсус қабарик ва ўйиклар мавжуд.

Кирилл алифбоси ҳарфларидаги ўзбек тили қўлланган.

Рухсатноманинг олд томонида унинг номланиши рус тилида ёзилган, серия ва рақамлари мавжуд, автотраспорт воситасининг тури, русуми, рўйхатдан ўтказиш давлат рақами белгиси, ранги, эгасининг маълумотлари, берилган ДЙҲХХ ҳудудий бўлинмаси номи, берган мансабдор шахсининг лавозими, Ф.И.О., берилган санаси ва амал қилиш муддати кўрсатилади.

Рухсатноманинг орқа томонида енгил автотранспорт воситаси ойналарининг ёруғлик ўтказувчанлиги кўрсаткичлари орқа, орқа ён томонлари учун алоҳида, ўзгартириш (қорайтириш)ни амалга оширган Ўзбекистон Республикаси ИИБ ҳузуридаги ДУКнинг ҳудудий филиали номи, масъул шахсининг лавозими, Ф.И.О., ўзгартириш (қорайтириш) бажарилган сана кўрсатилади.

Рухсатномадаги ёзувлар сиёҳ ручкада, ёки чоп этиш принтерида киритилади, ДЙҲХХ мансабдор шахсининг имзоси ва муҳр билан, орқа томонида Ўзбекистон Республикаси ИИБ ҳузуридаги ДУКнинг ҳудудий филиали масъул шахси имзоси ва штампи билан тасдиқланди.

Енгил автотранспорт воситалари ойналарининг
тусини ўзгартиришга (қорайтиришга) рухсатнома
бериш, уни рўйхатга олиш ва рухсатноманинг
амал қилишини бекор қилиш тартиби
тўғрисидаги Низомга
7-ИЛОВА

**Енгил автотранспорт воситаси ойналарининг тусини ўзгартириш
(қорайтириш) ишлари бажарилганлиги тўғрисида
Далолатномаси**

№ _____

Русуми _____

РЎДРБ _____

Эгаси _____

Қайд этиш гувоҳномасининг серияси _____ № _____

Сарфланган махсулот (материал)нинг сертификати _____

ойналарнинг туси ўзгартирилган (қорайтирилган)дан кейинги ёруғлик
ўтказувчанлиги кўрсаткичлари:

орқа _____ %;

орқа ён (ўнг томон) _____ %;

орқа ён (чап томони) _____ %.

Олд ойнаси тепа қисмининг туси ўзгартирилган (қорайтирилган) полосаси
эни _____ см.

Ойналар ёруғлик ўтказувчанлиги ўлчанган асбобнинг сертификати _____

Изоҳ _____
(ойналари механик шикастланган ёки автотранспорт воситасидан фойдаланиш

_____ тақиқланган шартлар мавжуд бўлган ҳолатлар)

Хулоса: мазкур енгил автотранспорт воситасининг туси ўзгартирилган
(қорайтирилган) ойналари _____ талабларига мувофиқ келади.
(стандарт раками)

Далолатномани тузди: _____
(лавозими) (имзоси) (Ф.И.О.)

20__ йил «____» _____

Изоҳ. Ўзбекистон Республикаси ИИБ ҳузуридаги “Инновация лойиҳалари ва аҳолига сервис
хизматлари кўрсатиш маркази” ДУК филиалининг енгил автотранспорт воситаси ойналарининг
тусини ўзгартириш (қорайтириш) ишларини бажарган ва ойналарнинг ёруғлик ўтказувчанлигини
ўлчаган ходими томонидан тўлдирилади.

Ойналар ёруғлик ўтказувчанлиги бунга мўлжалланган ва қонунчиликда белгиланган тартибда
текширувдан ўтган махсус асбоб ёрдамида бажарилади.